

आओ बाईसा थाने आज बुलावे (धमाल)

तर्ज - धमाल

आओ बाईसा थाने आज बुलावे बाबोसा परिवार, आओ बाईसा,
मन मंदिर में लेके पधारो, बाबोसा ने लार, आओ बाईसा,
आओ बाईसा थाने आज बुलावे.....

धणा दीना सु थारी ओल्यू आवे, हिचकी रुक न पावे जी,
रात भर म्हाने नींद न आवे, एक नही कई बार, आओ बाईसा,
आओ बाईसा थाने आज बुलावे.....

रिमझिम बरसे सावन जय्या, बरस रहिया म्हारा नैन जी,
था बिन एक पल चेन न आवे, सुणलो म्हारी पुकार, आओ बाईसा,
आओ बाईसा थाने आज बुलावे.....

सांची प्रीत या थांसु बांधी, टूटे न यो बंधन जी,
थे ही जाणो म्हारे मन की, जाणे न संसार, आओ बाईसा,
आओ बाईसा थाने आज बुलावे.....

बाईसा जद आप पधारो, काम सभी बन जावे जी,
बाबोसा भी आवे संग में, हम भगतो के द्वार, आओ बाईसा,
आओ बाईसा थाने आज बुलावे.....

बाईसा रे सागे आया, बाबोसा सरकार जी,
"दिलबर" अभिलाषा हुई पूरी, छाई खुशी अपार, आया बाईसा,
आया बाईसा हर्षित है देखो बाबोसा परिवार, आया बाईसा,
बाबोसा ने सागे लाया, नही भूला थारो उपकार, आया बाईसा,
हो... आया बाईसा... हो आया बाबोसा.....

<https://www.bhajanganga.com/bhajan/lyrics/id/29972/title/aao-baisaa-thaane-aaj-bulaave--dhamaal->

अपने Android मोबाइल पर [BhajanGanga](#) App डाउनलोड करें और भजनों का आनंद ले |